

১৩ ফেব্রুয়ারি ২০২০ইং

সংবাদ বিজ্ঞপ্তি

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ বেলা ১২টায় আইইডিসিআর মিলনায়তনে বাংলাদেশে COVID-19 পরিস্থিতি সম্পর্কে অবহিত করা হয়। সাংবাদিকদেরকে সর্বশেষ পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

শুরুতে COVID-19 সংক্রমণের বিশ্ব পরিস্থিতি ও বাংলাদেশ পরিস্থিতি তুলে ধরা হয়।

বাংলাদেশ পরিস্থিতি

বাংলাদেশে এখন পর্যন্ত COVID-19 রোগী পাওয়া যায় নি। আশকোনা অস্থায়ী কোয়ারান্টাইন কেন্দ্রে অবস্থানরত সবাই ভাল আছেন।

সিঙ্গাপুর পরিস্থিতি

সিঙ্গাপুরে যে দু'জন বাংলাদেশের নাগরিক COVID-19 আক্রান্ত হয়েছেন তাদের সম্পর্কে অবহিত করা হয়। তাদের অবস্থা স্থিতিশীল। সিঙ্গাপুর স্বাস্থ্য মন্ত্রণালয় থেকে ১২/০২/২০২০ তারিখে প্রাপ্ত তথ্যে জানা গেছেঃ নিশ্চিত রোগী ৫০ জন। পরীক্ষায় ৬৩৮ জনের নমুনায় COVID-19 ভাইরাস পাওয়া যায় নি, ১২৫ জনের নমুনা পরীক্ষার ফলাফল এখনো আসে নি। হাসপাতাল থেকে ছাড়া পেয়েছেন ১৫ জন। রোগীদের সংস্পর্শে আসা ১০৯০ জনকে সনাক্ত করা হয়েছে। এদের মধ্যে ৯৮৪ জন সিঙ্গাপুরে আছেন, ৯৬১ জনের সাথে যোগাযোগ করা হয়েছে যারা কোয়ারান্টাইনে অথবা আইসোলেশনে আছেন। বাকী ২৩ জনকে যোগাযোগ করার চেষ্টা করা হচ্ছে।

চীন পরিস্থিতি

চীনের স্বাস্থ্য কমিশন ১১/০২/২০২০ তারিখে জানিয়েছে, প্রাদুর্ভাব ঘটেছে এমন সব গুচ্ছের (Cluster outbreak) ৮৩% এ সংক্রমণ ঘটেছে পরিবারের সদস্যদের মাঝে।

চীনে হঠাৎ করে রোগীর সংখ্যা বেড়ে গেল কেন?

রোগী নির্ধারণের সংজ্ঞা হালনাগাদ করার কারণে পূর্বে অন্তর্ভুক্ত হয় নি, এমন রোগীরাও COVID-19 তালিকাভুক্ত হয়েছেন। ফলে একদিনে ১৪ হাজারেরও বেশী মানুষ COVID-19 রোগী তালিকাভুক্ত হয়েছেন।

কেন শুধু আইইডিসিআর-এ COVID-19 পরীক্ষা হচ্ছে?

রোগ নজরদারি ও আকস্মিক রোগ প্রাদুর্ভাব তদন্তের দায়িত্বপ্রাপ্ত প্রতিষ্ঠান হিসেবে আইইডিসিআর-এর ল্যাবরেটরি নমুনা পরীক্ষা করে থাকে। এ ল্যাবরেটরিতে প্রায়শঃই মারাত্মক সংক্রামক রোগের জীবাণু পরীক্ষা হয়। একটি উচ্চ

মাত্রার জৈব নিরাপত্তা নিশ্চিত করা ল্যাবরেটরিতেই কেবল এসব মারাত্মক সংক্রামক রোগের জীবাণু পরীক্ষা করা যেতে পারে। এটি হাসপাতালের ল্যাবরেটরির মত রোগ নির্ণয়ের কাজ করে না, রোগ নজরদারি ও প্রাদুর্ভাব তদন্তের প্রয়োজনে কাজ করে। এ কাজের অংশ হিসেবে নির্বাচিত রোগসমূহের ল্যাবরেটরি পরীক্ষার ফলাফল জাতীয় ও আন্তর্জাতিক রোগ নজরদারি নথিতে অন্তর্ভুক্ত হয়। যে সব রোগী সনাক্ত হয়, তাদের সংস্পর্শে আসা ব্যক্তিদের ঐ রোগের সুস্থিকাল পর্যন্ত পর্যবেক্ষণে রাখা হয়। রোগের সংক্রমণ ঠেকাতে সম্ভাব্য ও সন্দেহজনক রোগীকে কোয়ারান্টাইন ও আইসোলেশন করার কাজের সমন্বয় করে থাকে আইইডিসিআর। ল্যাবরেটরিতে পরীক্ষা করা ফলাফলের তথ্যের ভিত্তিতেই কেবল এটি করা সম্ভব। অন্য ল্যাবরেটরির ওপর নির্ভরশীল হয়ে এ কাজটি করা সম্ভব নয়। এ কারণেই COVID-19 পরীক্ষা এ মুহূর্তে কেবল আইইডিসিআর-এই করা হচ্ছে। ভবিষ্যতে রোগ নজরদারি ব্যবস্থায় অন্তর্ভুক্ত করে আইইডিসিআর-এর অনুরূপ উচ্চ জৈব নিরাপত্তা সম্বলিত ল্যাবরেটরি প্রতিষ্ঠিত হলে সেখানেও এ ধরনের পরীক্ষা করা সম্ভব হবে।

শেষ পর্যায়ে তিনি সাংবাদিকদের নানা প্রশ্নের উত্তর দেন।

COVID-19 সংক্রান্ত সর্বশেষ পরিস্থিতিঃ (ক্রিনিংকৃত যাত্রীর সংখ্যা) (১৩ ফেব্রুয়ারি ২০২০ইং)

ডেবষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্রিনিংকৃত যাত্রীর সংখ্যা	১৬১৯২	১৩৩২০৬
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্রিনিংকৃত যাত্রীর সংখ্যা*	৯৫৭৫	৫৮৬৮৫
ক্রিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্রিনিংকৃত যাত্রীর সংখ্যা	২০৬	১৪৭২
ঢাকা ক্যান্টনমেন্ট রেলওয়ে স্টেশনে ক্রিনিংকৃত যাত্রীর সংখ্যা	১৫০	৩৮০
অন্যান্য চালু স্থলবন্দর গুলোতে ক্রিনিংকৃত যাত্রীর সংখ্যা	৬৪৬৭	৭৪১৪১

* গত শুক্রবার ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্রিনিং করা হচ্ছে।

** কোনো কোনো বন্দর থেকে প্রতিবেদন সময়মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

COVID-19 সংক্রান্ত সর্বশেষ পরিস্থিতিঃ (১৩ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোটকলের সংখ্যা	৯০	১৯১৫
আইইডিসিআর হটলাইনে COVID-19 সংক্রান্ত মোট কলের সংখ্যা	৫৭	১৪১৫
আইইডিসিআর এ আগত COVID-19 সংক্রান্ত মোট সেবাগ্রহীতার সংখ্যা	৭	৭৩

বিষয়	২৪ ঘন্টারসর্বশেষ পরিস্থিতি	গত ২১/০১/২০২০ থেকে অদ্যাবধি
COVID-19 পরীক্ষা করা মোট নমুনার সংখ্যা	৩	৬২
নিশ্চিতকৃত COVID-19এর মোট রোগীর সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বর এ যোগাযোগ করুনঃ
০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

স্বা/ =

অধ্যাপক ডাঃ মীরজাদী সেব্রিনা ফ্লোরা
পরিচালক
ফোন নম্বরঃ ০২-৯৮৪২২৭০